



Foundation Save Plantation Bolivia

Na: Miembronan di Konseho Insular

Bonaire, 1 novèmber 2021

Asuntu: Preservashon naturalesa plantashi Bolivia Bonaire

Respetabel miembronan di Konseho Insular,

Bolivia no ta un ròtsoi sin vegetashon okashoná pa krio di bestia.

Na yanüari 2020, poko despues di a kumpra plantashi Bolivia e doño nobo Meine Breemhaar a deklará ku e sitio ta un ròtsoi sin vegetashon okashoná pa krio di bestia. Un aña despues Mieke Breemhaar a trese dilanti ku e ke desaroyá riba e plantashi un Davos kantu di laman. E dos publikashonnan aki a aparesé den De Telegraaf, e korant ku semper ta disponibel pa un ehèmpel nobo di nigoshi ku ta paresido na na e mentalidat bieu di W.I.C: Hulandesnan sa kiko ta bon pa nos (eks) kolonianan”

Entre ayera i awe algu a pasa den mente di pareha Breemhaar. No mashá pero tòg. E ròtsoi, sin vegetashon kousá pa krio di bestia awor tin e nòmber finka (ta zona mas nèchi i ménos kolonial ku plantashi) pero no ta papia mes di e delirio di grandesa di Davos kantu di laman. Den e presentashon nobo ku resientemente a aparesé “online” (www.landgoedbolivia.nl) i demostrá i akclará na miembronan di Konseho Insular, e pareha ta papia di restourashon di naturalesa i krea balor ku respèt pa e orígen. Aparentemente pareha Breemhaar ta sensibel pa e krítikanan di den e último dos añanan.

Manera semper no ta bai pa loke bo ta mira i tende, pero loke bo no ta mira ni tende ni loke ta konta abo. Ta evidente den e kaso aki. Loke ta resaltá den e presentashon ta ku e pareha den ningun sentido, ku algun eksepshon, no ta konkreto. E algun eksepshonnan ta: konstruí 95 bibienda pa aña i ku lo no desaroyá mas ku 20% di e superfisie (600 hektárea). Pa komprondé mihó esaki ta mas òf ménos 1200 fèltnan di bala! Aki tambe ta konta: pone atenshon riba loke no ta trese dilanti. Henter e plantashi tin un grandura di 3000 hektárea. Mas òf ménos 1.100 hektárea ta konsistí di piedra, kosta brutu ku no por desaroyá. Solamente e parti di mas òf ménos 1900 hektárea ta adekua pa desaroyá proyekto. Pues ta desaroyá 600 hektárea ku ta 31% i no 20%.

Kiko presis ta bai konstruí riba e 1200 fèltnan di bala ta keda kologá den laira, solamente ku ta bai realisá tambe bibienda pagabel pa loke ta trata kompra i hür den e sekshon mei mei. Pone atenshon riba e palabra “tambe” Ningun kaminda por lesa e kantidat. 10, 20, 100, 200, 1000? Ken por bisa? Famia Breemharen sigur no. Tambe famia Breemharen no ta bisa kuantu bibienda ta bini den e sektor karu. No ta spesifiká kiko e famia ta komprondé bou di sekshon karu (nos mester pensa riba por ehèmpel Sabadeco) tambe no ta konta e kantidat di bibienda i unda nan ta bini. Nos ta suponé ku ta riba e klep nan ta bini. Kiko abo ta pensa?

Loke famia Breemharen no ta konta ta ku probablemente ta kompania hulandes ku trahadó di Peru lo bai konstruí e kasnan. Tambe ta keda sin bisa ku no tin lugá pa boneriano den e proyektonan di agrikultura i ku e sektor di bibiendanan karu ta pa makamba so. Teniendo na kuenta ku den e situashon aktual unda e resistensia bou di Yu di Tera kontra makamba esaki ta bira aun mas grandi. Aktualmente



Foundation Save Plantation Bolivia

ta biba 1400 hulandes europeo na Bonaire ku sigur lo sigui oumentá. Famia Breemharen ta neglishá di konta kon esaki ta aportá na desaroyo di Bonaire.

Tambe e pareha ta keda ketu tokante tur e tráfico ku desaroyo di e finka ta trese kuné. Pa aña 95 kas, den 10 aña kasi 1000 kas ku segun kalkulo 1500 te 2000 outo ku ta bai den direkshon di Playa miéntras Kaya Korona diariamente durante tráfico intensivo konosé un fila largu di Mentor te Rotònde di Misa di Playa. De paso e pareha ta keda ketu kon ta pará ku suministrashon di awa i energia i no ta papia mes di prosesamentu di awa di berpùt i transportashon di shushi pa lèntfil ku ya ta sobrekargá.

Sigur tin algu, pero ainda no mashá, a pasa den kabes di Breemhaarnan. Nan a bolbe bini ku un foyeto nobo super bunita i superfisial, skirbí pa personan ku henter dia no ta hasi otro ku no ta bende gatu den saku. Uniko kos ku realmente nan tin na bista pero no ta mensioná, kon ta laga nan kapital propio krese, no opstante esei a kosto di e isla. Desde di dos guera mundial aventureronan a presentá sentenáres di proyekto na Bonaire ku, eksepsion di algun, mayoria a keda pegá i fracasá. Komo ku ta solamente un meta nan tabata sirbi: yena nan pòtmòni. Ku despues e isla ta keda finansieramente i ekologikamente leshoná, no ta importá nan un bledu.

Miembronan di Konseho Insular sea fuerte i balente!

Mi lo komenta ariba mensioná verbalmente.

Foundation Save Plantation Bolivia

Un kordial saludo,

Wilma Nijland.